

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U TUZLI
Broj: 32 0 St 401965 21 St
Tuzla, 14.01.2022. godine

Općinski sud u Tuzli, sudija Ilvana Delić, kao stečajni sudija, u u stečajnom postupku nad dužnikom **„BANOVICI-TRANS“ d.o.o. Banovići, za transport, trgovinu i ugostiteljstvo, ul. 29. novembra bb**, dana 14.01.2022. godine, donio je sljedeće:

R J E Š E N J E

POZIVAJU SE: Stečajni dužnik, povjerioci i sva zainteresovana lica da u roku od 30 dana od dana objavljivanja rješenja u Sl. novinama F BiH uplate predujam za nastavak provođenja stečajnog postupka nad privrednim društvom **„BANOVICI-TRANS“ d.o.o. Banovići, za transport, trgovinu i ugostiteljstvo, ul. 29. novembra bb**, u visini od 5.000,00 (pethiljada) KM, na depozitni račun ovog suda, broj: 132-100-03091233-91-NLB banka d.d. Sarajevo, ako za isto imaju interes.

Dokaz o uplati predujma za pokriće troškova stečajnog postupka dostaviti u spis suda, na broj: 32 0 St 401965 21 St.

Ukoliko povjerioci ne uplate predujam za troškove provođenja stečajnog postupka, sud će donijeti rješenje kojim se stečajni postupak zaključuje zbog nedostatka stečajne mase.

O b r a z l o ž e n j e

Rješenjem ovog suda od 23.09.2021. godine, otvoren je stečajni postupak nad imovinom privrednog društva, **„BANOVICI-TRANS“ d.o.o. Banovići, za transport, trgovinu i ugostiteljstvo, ul. 29. novembra bb**, a za stečajnog upravnika imenovan je Almir Bajrić iz Tuzle.

Tokom postupka utvrđeno je da stečajni dužnik nema imovine.

U postupku ispitivanja prijava potraživanja ukupno je priznato 274.025,87 KM i razvrstano u opći isplatni red od čega je iznos od 71.817,35 KM razvrstan u viši isplatni red a iznos od 202.208,52 KM u opći isplatni red i 2.496,00 KM u niži isplatni red. Osporenih prijava potraživanja nije bilo. Potraživanja općeg isplatnog reda kao i višeg isplatnog reda odnose se na povjerioce Porezna uprava F BiH KPU Tuzla, Porezna uprava F BiH KPU Tuzla Ispostava Banovići, Uprava za indirektno oporezivanje BH RC Tuzla i Scania Credit AB iz Švedske. Scania Credit AB iz Švedske dostavila je sudu prijavu izlučnog zahtjeva za pokretne stvari sa prijavom potraživanja općeg isplatnog reda na iznos glavnog potraživanja od 158.267,26 KM te na ime troškova iznos od 2.496,00 KM što ukupno iznosi 160.763,26 KM. Shodno odredbama zakona o stečaju član 96. stav 10. do 13. stečajni upravnik odbio je zahtjev za izlučenje obzirom da na dan otvaranja stečajnog postupka kao i u prethodnom postupku nije zatečena pokretna i nepokretna imovina društva kao ni imovina koja je predmet izlučnog zahtjeva, te je shodno odredbama člana 174. Zakona o stečaju razmotrio prijavu u pogledu novčanog potraživanja i priznao je u ukupnom iznosu.

Na izvještajnom ročištu održanog dana 05.01.2022. godine stečajni upravnik je iznio izvještaj o ekonomskom stanju stečajnog dužnika kao i mišljenje da ne postoje izgledi da se poslovanje stečajnog dužnika nastavi kao ni izgledi za reorganizaciju društva. Stečajni upravnik je utvrdio nelikvidnost i nesolventnost stečajnog dužnika jer nema redovnih prihoda a transakcijski računi su blokirani. Stečajni upravnik predložio je da se postupi u skladu sa odredbama 196. Zakona o stečaju i postupak zaključi zbog nedostatka stečajne mase. Na istom ročištu skupština je usvojila izvještaj stečajnog upravnika sa svim prijedlozima za zaključenje stečajnog postupka zbog nedostatka stečajne mase.

Postupajući shodno odredbama člana 60., 102 i 196. Zakona o stečaju, ovim rješenjem, pozivaju se povjerioci i sva zainteresovana lica da u roku od 30 dana od dana objave rješenja

u Službenim novinama F BiH predujme iznos za dalje vođenje stečajnog postupka, ako za isto imaju interes, uz upozorenje da ukoliko se iznos ne uplati da će se postupak zaključiti zbog nedostatka stečajne mase.

Imajući u vidu sve navedeno, a temeljem odredbe čl. 196, a u vezi sa odredbom čl. 60. i 102. Zakona o stečaju („Sl. novine F BiH“ broj 53/21) pozivaju se dužnik, povjerioci i sva zainteresovana lica da predujme novčani iznos u visini od 5.000,00 KM za troškove finansiranja nastavka stečajnog postupka, ukoliko za isto imaju interes.

STEČAJNI SUDIJA

Ilvana Delić

POUKA O PRAVNOM LIJEKU: Protiv ovog rješenja žalba nije dozvoljena.